



Universitätsbibliothek Paderborn

**Epistola Responsoria R. P. Isaaci De Bruyn Societatis Jesu
Ad Eximum Dominum Martinum De Svvaen S. Th.
Doctorem Lovaniensem &c.**

Bruyn, Isaac van

[Verlagsort nicht ermittelbar], 1693

§. V. Excutiuntur, quæ reponit Eximus ad rationem alteram, quâ ostensum est, promissam reverentiam ab illo minime præstari.

urn:nbn:de:hbz:466:1-40327

um collocare hactenus visus es , aliquid solidi afferre , quod doctrinale responsum mereatur.

Addis n. 4. similem fidem definitionibus Pontificum , non habuisse plures alias ejusdem Societatis Theologos , Sirmundum , Petavium &c.

Hanc exceptionem cæteris tuis næniis an numero , donec aliquid probaveris : Petavii & Sirmundi opinio adeo parum tuis & Jansenistarum cavillationibus hic favet , ut verba eorum in medium producere erubescas , contentus solis illorum citatis nominibus , sed & quæ ibi dicis , & quæ de mente Cardinalium Bellarmini ac Baronii à Jansenistis afferri solent super hoc negotio , pluribus exposita sunt in defensione Formulæ , ac recentissimè à Nicostrato in elegantibus ac nervosis contentionibus , quas si lubet consule:

Ultimo loco Harduini Perefixii Parisiensis Archi-episcopi decretum quoddam comminisceris , quo, ut ais, *assertionem meam minimè probasset.*

Ad hoc Decretum respondebo , quando bonâ mihi fide expones , ubi , & unde illud hauseris. Quam multa Perefixio à foederatis tuis afficta sint , non Gallia sola , sed Orbis universus novit. Quamquam illud ipsum , quod Perefixius in citato à te loco exigit , minimè præstas : exigit enim , *ut quis judicium suum , judicio superiorum sive Romanorum Pontificum sincerè submittat.* Quod si præstares , nulla , vel parva tibi mecum esset dissensio , neque tergiversareris provocatus toties ad subscribendum citrè exceptionem Alexandrinæ Formulæ.

§. V.

Excutiuntur , quæ reponit Eximus ad rationem alteram , quæ ostensum est , promissam revealiam ab illo minime præstari.

Nunc ad crimen atrox alterum , & priori multo gravius , quod impactum tibi flebiliter quereris , accingor: illud videlicet , quod diminutam illam tuam obedientiam , quâ dogmatibus fidem , facto reverentiam toties solemniter promisisti , non impleas. Prætero , quod in nupera responsione ostendi , non nisi obstinatissimam pervicaciam , sub specioso reverentiæ vocabulo à vobis palliari. Quis enim sentiat illum reverenter alterius dicta excipere , qui nihil quidem illis obloquitur , sic tamen , ut sincerè loquenti , palam recusat , fidem habere , & hoc quidem , quod respectu cuiusvis Viri probi , ac honesti , foret impudentissimum ac non ferendum , Tu sub reverentiæ nomine nobis studies

stulos obtrudere, dum ita agis, erga Christi Vicarios, Romanos Pontifices, legitimos fidelium omnium Superiores, totius Ecclesiæ Doctores, quorum vocem audire teneantur quotquot Christi oves sunt, dum inquam ita agis erga illos, quibus scimus in B. Petro pascendi, regendi, gubernandi, universalem Ecclesiam à Domino nostro IESV Christo plenam potestatem traditam esse, ut promittas quidem te oblocutrum nihil, ubi ex plenitudine potestatis hujus, & Christi vices gententes, solenniter definiunt sensum in Pseudo-Augustino Jansenii expressum esse hæreticum, cui declarationi tota se submittit Ecclesia, sic tamen, ut cum filiis iniquitatis, & tranquillitatis publicæ perturbatoribus, palam renuas judicium tuum definitioni tam solenni submittere: exhorrescant piæ aures ad solam tantæ indignitatis cogitationem, neque tamen hic sistit tua irreverentia, gravioris criminis te convinco, dum insuper promissi hujus silentii violatorem extitisse te ostendo. Non injuria id à me exprobratum esse probant, quæ in Thesibus anni 1688. 14. Octobris defensis scribere de Semi-pelagianis sustines, neque adhuc retractas. Contenderam ego à veritate procul aberrare, quotquot existimant, Semi-pelagianos necessitatem gratiæ interioris admisisse etiam ad initium fidei, idque stabiliveram per hanc è quinq; Jansenianis propositionibus quartam: *Semi-pelagiani admittebant interioris gratiæ necessitatem ad singulos actus, etiam ad initium fidei &c.* Quod Pontificium Oraculum hoc quasi sibilo excipis Thesum tuarum Concl: I. §. 7. quam hoc imbellè! quis enim nesciat, damnari hanc propositionem potuisse, eo quod cum sit bimembri, falsa & hæretica esse queat, dummodo alterutrum è duobus membris falsum sit & hæreticum? Potest itaque verum esse quod Pelagiani ad misericordiam gratiæ necessitatem ad singulos actus, etiam ad initium fidei, dummodo falsum sit (uti revera est) ideo eos hæreticos fuisse, quod vellent eam gratiam talem esse, cui posset humana voluntas resistere, vel obtemperare. In dissertatione vero Theologica nihilo magis te reverentem exhibuisti erga easdem Apostolicas constitutiones, & promissi memorem ita scribens pag. 8. Ceterum circa priorem censuræ istius partem, in qua dicitur *Semi-pelagiani &c.* In Scholis Catholicis omnes inter Magistros non convenit, illis, quod in assertione dicitur affirmantibus, alii id negantibus: ad quæ verba sic expostulaveram in mea Thesi nupera. Quasi vero, post claram, & manifestam Pontificum declarationem, quisque pro arbitrio suo statuere posset, quod vellet. Insignem enimvero Eximii nostri reverentiam, quam præstat erga Constitutiones Apostolicas &c. Nunc iterum, ac tertio pergis propositi tenax scribere Epistolæ tuæ §. 3.

Subsisteret quam optimè Summorum Pontificum censura , etiam si prior pars propositionis (quam ipsi damnaverunt ut fallam) foret vera , hac nempe : Semi-pelagiani admittebant prævenientis gratia interioris necessitatem &c. Idque à te adeo nervosè tamque invictis rationibus esse effectum jactas , ut ego toto triennio ad eas coactus sim obmutescere.

Quæ quælo invictæ illæ rationes fuerunt ?

Prima , respondes , dic sola , quia quam secundo loco adjungis , ad quam mox respondebo , à te nunquam antea adhibita fuit , & si præter primam adhibuisses aliquando aliam , quæ pondus aliquod mereretur , non prætermisiles illam Epistolæ tuæ rursum inferere , tu , qui ad naufragium usque & fastidium toties sub alia inscriptione amas eadem dicere , ut qui unum tuum scriptum legerit , dicere possit , se legisse omnia : Achillea ergo tua ratio est , quod cum propositio damnata sit copulativa , sufficiat ad hoc , ut sit falsa & heretica , quod una ejus pars vere talis sit , liset altera vel vera sit , vel saltem certè non sit falsa.

Ais , quod ad hanc triennio toto coactus obmutuerim ? Quod nihil tuleris responsi ? Et tamen nulli Jesuitæ licet esse muto , si vobis fides , atque ut ipse gratosè insinuas , ne dicam exprobras , semper gloriam ultimæ respcionis aucupantur Jesuitæ. Nihil tulisti responsi ? Ubi tua est memoria Vir Eximie ? Neque enim volo expostulare de fide , ubi memoria inquam ? Forte sperasti respcionem meam in Lectorum animis tanto temporis intervallo , potuisse obliterari : ut renoventur vestigia , rursus subiicio quæ respondi Anno 1688. cum non erubuisti primum hoc in lucem protrudere , & apertus constitutionum Apostolicarum in hoc esse contemptor : hæc ergo reposui §.

4. " Bimembris est propositio , sed duplici etiam inuritur censurâ , " quarum prima potest in primum membrum cadere , altera in secundum. Bimembris est propositio , sed cuius utrumque membrum asse- " ruit Iansenius , cuius errores ex professo damnant Pontifices. Bi- " membris est propositio , sed cuius secundum membrum jam virtua- " liter damnatum erat in secunda Ianseniana , adeoque non ita novâ " damnatione indigebat , nisi in quantum cum primo membro con- " jungebatur , quod proin ad minus æque damnari præsumi debet. Bi- " membris est propositio , sed cuius primum membrum sine ullo usu " bono adjectum est , nisi etiam sit damnatum , nec tantum sine usu " bono , sed ad fovenda nova in Ecclesia dissidia , contendentibus om- " nibus , qui reverenter Decreta Pontificum excipiunt , utrumque " membrum damnatum esse , cum soleant & debeat Pontifices , cum " per solennes declarationes fideles instruunt , loqui clarè & distinctè

am9-

„ amovendo omnem dubietatem , quam maximam reliquissent , nisi
 „ simul damnasset primum membrum . Quid reponeres , Vir Eximie ,
 „ contendenti ad merendum in statu naturæ lapsæ non requiri in ho-
 „ mine libertatem à necessitate , etiam postquam hæc Janseniana tertia
 „ damnata est : ad merendum & demerendum in statu naturæ lapsæ
 „ non requiritur in homine libertas à necessitate , sed sufficit libertas
 „ à coactione . Quid si enim abjecta reverentia tecum in hunc modum
 „ respondeat aliquis : quis enim nesciat damnari hanc propositionem
 „ potuisse , eò quod , cum sit bimembris , heretica esse queat , dum
 „ modo alterutrum è duobus membris hereticum sit ? Potest itaque
 „ verum esse , quod ad merendum non requiratur libertas à necessita-
 „ te , dummodo falsum sit (sicut revera est) . qnod ad merendum non
 „ requiratur libertas à necessitate . Et erit , quare fingat majorem liber-
 „ tatem requiri ad demerendum , quam ad merendum , cum Deus sua
 „ dona coronet , non sua delicta puniat , quæ nulla habet , & ad quæ
 „ nullum impellit . Sicque salvâ subjectione , qualem Eximus servat
 „ erga definientes Pontifices , sustinebitur etiamnum cum Jansenio
 „ gratiam in statu naturæ lapsæ necessitare . Nec erit , quod timeatur à
 „ 2. Janseniana , quâ definitur gratiæ resisti : vel 4 , quâ exprimitur ,
 „ ei posse resisti : nam iis explicandis facile quis mutuabitur à Jansenii-
 „ stis effugium dicendo , quod resistatur gratiæ , adeoque resisti possit ,
 „ prout Pygmæus resistit giganti , à quo reluctans opprimitur . Quis
 „ hæc reverens Ecclesiæ filius sustineat ? Sustinet tamen Eximus , nec
 „ tantum sustinet , sed argumentum à tali definitione petitum , ut im-
 „ belle , exhibeat ” Ad hæc tu Doctor Eximie more tuo diu siluisti ,
 & files etiamnum .

Nunc ad alteram rationem tuam , quæ adeo miserabilis est , ut Dia-
 lecticæ tironem magis , quam Doctorem sapiat : Ratio secunda inquis
 hac est : quod licet utraque istius propositionis pars foret falsa , adhuc sub-
 fisteret , quod à Semipelagianis aliqui admiserint , etiam ad initium fi-
 dei prævenientis gratia interioris necessitatem : nam eo non obstante ad-
 huc damnata meritè ea foret propositio tamquam falsa , utpote , quæ in-
 definitè , adeoque universaliter afferit , Semipelagianos admisisse præve-
 nientis gratia interioris necessitatem ad singulos actus , etiam ad initi-
 um fidei .

Subtilitas hæc , vel potius captiosum litis implicandæ artificium tui
 ingenii foetus non est , sed ex venenoso Iansenii fonte illud haufisti 1.
 3. de hæresi Pelagiana cap. 6. col. 456. ubi iple etiam duos hæretico-
 rum illorum ordines distinguit , ac diligenter observatum vult , non
 omnes

omnes unum idemque sensisse Semipelagianos, quare de illis dumtaxat contendit, quod admirerint interioris gratiæ necessitatem etiam ad initium fidei, quorum opinionem & dogmata Prosper & Hilarius Augustino censenda, & refutanda prodiderunt. Exceptioni huic mox faciam satis, ubi ad Sophisima tuum directè respondero. Tota ergo vis & efficacia in hoc consistit, quod propositio à Pontificibus damnata, indefinita & dogmatica sit.

At quia indefinita, & dogmatica est Eximie Doctor, idcirco ante oculos nobis clare ponit, in quo dogmate sita sit Semipelagianorum hæresis, in hoc utique uno capite, ex quo cæteri illorum errores, velut rami è radice nascuntur, videlicet, quod interioris gratiæ necessitatem negarent, saltem ad initium fidei. Exceptio tua tam peregrina non foret, si ad plura quædam puncta capitalia Semipelagianismus se extendisset, si v. g. non solum necessariam ad initium fidei Christi gratiam negassent, verum etiam cum Pelagianis peccatum originis sustulissent: potuissent enim tunc in ultimo hoc saltem capite Semipelagiani mansisse, etiam qui necessitatem gratiæ ad initium fidei admitterent: nunc vero, cum totus Semipelagianismus pendeat ex uno dogmate, non potes afferere aliquos simile dogma non tradidisse & simul statuere illos eosdem, semipelagianos fuisse.

Existimo Vir Eximie te aliquid de Pelagiana & Semipelagiana historia legisse, Iansenium saltem te de hac re legisse profiteris & facto ipso te eum legisse abundè commonstras: Iansenio forte junxisti alium quempiam è Calvini grege. His habuisti fidem, quod enim cupit aliquis, hoc facile credit. At dic nobis qua in re erant Semipelagiani isti aliqui, qui, te Auctore, admittebant gratiæ interioris necessitatem, etiam ad initium fidei? Non ausis apertè, ut spero, ad alterum damnatæ propositionis membrum confugere, quo confudit Iansenius, & Calvinistæ confugiunt: quamquam eo propendere visus sis, quando gratiam prout à Molina ad veterum Patrum normam explicatur, & adstruitur, appellabas gratiam mere possibilitatis. Qia inquam in re erant isti aliqui Semipelagiani? Augustinus, Prosper, Hilarius & quotquot olim fuerunt Semipelagianismi debellatores, id unum in ipsis culpant, id unum olim habitæ Synodi proscribunt, earumque exemplo Concilium Tridentinum cavit tamquam capitalem eorum errorem gratiæ scilicet cælestis ad initium fidei negatam necessitatem. Hanc qui admirerunt vel eximendi sunt Semipelagianorum numero, vel ad alterum Jansenii membrum confugiendum est, vel tertium aliquid, & priscis sæculis incognitus excogitandus est à te Semipelagianismus de quo libenter differentem audiam.

§. V. I.